

L A
G E O M E T R I E.
LIVRE PREMIER.

*Des problemes qu'on peut construire sans
y employer que des cercles & des
lignes droites.*




Ou s les Problemes de Geometrie se peuvent facilement reduire a tels termes, qu'il n'est besoin par après que de connoistre la longueur de quelques lignes droites, pour les construire.

Et comme toute l'Arithmetique n'est composée, que de quatre ou cinq operations, qui sont l'Addition, la Soustraction, la Multiplication, la Diuision, & l'Extraction des racines, qu'on peut prendre pour vne espece de Diuision : Ainsi n'at'on autre chose a faire en Geometrie touchant les lignes qu'on cherche, pour les preparer a estre conuës, que leur en adiouster d'autres, ou en oster, Oubien en ayant vne, que ie nommeray l'vnité pour la rapporter d'autant mieux aux nombres, & qui peut ordinairement estre prise a discretion, puis en ayant encore deux autres, en trouuer vne quatriesme, qui soit à l'vne de ces deux, comme l'autre est a l'vnité, ce qui est le mesme que la Multiplication; oubien en trouuer vne quatriesme, qui soit a l'vne de ces deux, comme l'vnité

Commēt
le calcul
d'Ari-
thmeti-
que se
rapporte
aux ope-
rations de
Geome-
trie.

est a l'autre, ce qui est le mesme que la Diuision; ou enfin trouuer vne, ou deux, ou plusieurs moyennes proportionnelles entre l'vnité, & quelque autre ligne; ce qui est le mesme que tirer la racine quarrée, on cubique, &c. Et ie ne craindray pas d'introduire ces termes d'Arithmetique en la Geometrie, affin de me rendre plus intelligible.

La Multi-
plication.




Soit par exemple AB l'vnité, & qu'il faille multiplier BD par BC, ie n'ay qu'a ioindre les points A & C, puist tirer DE parallele a CA, & BE est le produit de cete Multiplication.

La Diuision.

Oubien s'il faut diuiser BE par BD, ayant ioint les points E & D, ie tire AC parallele a DE, & BC est le produit de cete diuision.

l'Extra-
ction de la
racine
quarrée.



Ou s'il faut tirer la racine quarrée de GH, ie luy adiouste en ligne droite FG, qui est l'vnité, & diuisant FH en deux parties esgales au point K, du centre K ie tire le cercle F I H, puis esleuant du point G vne ligne droite iusques à I, à angles droits sur FH, c'est GI la racine cherchée. Ie ne dis rien icy de la racine cubique, ny des autres, à cause que i'en parleray plus commodement cy après.

Commēt
on peut

Mais souuent on n'a pas besoin de tracer ainsi ces li-
gne

gnes sur le papier, & il suffit de les designer par quelques lettres, chascune par vne seule. Comme pour adiouster la ligne B D a G H, ie nomme l'vne a & l'autre b , & escriis $a + b$; Et $a - b$, pour soustraire b d' a ; Et ab , pour les multiplier l'vne par l'autre; Et $\frac{a}{b}$, pour diuifer a par b ; Et a^2 , ou a^2 , pour multiplier a par soy mesme; Et a^3 , pour le multiplier encore vne fois par a , & ainsi a l'infini; Et $\sqrt{a^2 + b^2}$, pour tirer la racine quarrée d' $a^2 + b^2$; Et $\sqrt[3]{C. a^3 - b^3 + abb}$, pour tirer la racine cubique d' $a^3 - b^3 + abb$, & ainsi des autres.

vser de
chiffres en
Geome-
tric.

Où il est a remarquer que par a^2 ou b^3 ou semblables, ie ne conçooy ordinairement que des lignes toutes simples, encore que pour me seruir des noms vsités en l'Algebre, ie les nomme des quarrés ou des cubes, &c.

Il est aussy a remarquer que toutes les parties d'vne mesme ligne, se doiuent ordinairement exprimer par autant de dimensions l'vne que l'autre, lorsque l'vnité n'est point déterminée en la question, comme icy a^3 en contient autant qu' abb ou b^3 dont se compose la ligne que i'ay nommée $\sqrt[3]{C. a^3 - b^3 + abb}$: mais que ce n'est pas de mesme lorsque l'vnité est déterminée, a cause qu'elle peut estre soustentendue par tout ou il y a trop ou trop peu de dimensions: comme s'il faut tirer la racine cubique de $abb - b$, il faut penser que la quantité abb est diuisée vne fois par l'vnité, & que l'autre quantité b est multipliée deux fois par la mesme.

Au reste affin de ne pas manquer a se souuenir des noms de ces lignes, il en faut tousiours faire vn registre separé , à mesure qu'on les pose ou qu'on les change, escriuant par exemple.

$AB \propto 1$, c'est a dire, AB esgal à 1.

$GH \propto a$

$BD \propto b$, &c.

Commēt
il faut ve-
nir aux
Equatiōs
qui ser-
uent a re-
soudre les
problē-
mes.

Ainsi voulant resoudre quelque problēme, on doit d'a-
bord le considerer comme desia fait, & donner des noms
a toutes les lignes, qui semblent necessaires pour le con-
struire, aussy bien a celles qui sont inconnuēs , qu'aux
autres. Puis sans considerer aucune difference entre ces
lignes connuēs, & inconnuēs , on doit parcourir la diffi-
culté, selon l'ordre qui monstre le plus naturellement
de tous en qu'elle sorte elles dependent mutuellement
les vnes des autres, iusques a ce qu'on ait trouué moyen
d'exprimer vne mesme quantité en deux façons: ce qui
se nomme vne Equation, car les termes de l'vne de ces
deux façons sont esgaulx a ceux de l'autre. Et on doit
trouuer autant de telles Equations, qu'on a supposé de li-
gnes, qui estoient inconnuēs. Oubien s'il ne s'en trouue
pas tant, & que nonobstant on n'omette rien de ce qui est
desiré en la question, cela tesmoigne qu'elle n'est pas en-
tierement determinée. Et lors on peut prendre a discre-
tion des lignes connuēs , pour toutes les inconnuēs au-
qu'elles ne correspond aucune Equation. Après cela s'il
en reste encore plusieurs , il se faut seruir par ordre de
chascune des Equations qui restent aussy , soit en la con-
siderant toute seule, soit en la comparant avec les autres,
pour expliquer chascune de ces lignes inconnuēs; & faire
ainsi

ainsi en les demeslant, qu'il n'en demeure qu'une seule, esgale a quelque autre, qui soit connuë, ou bien dont le quarré, ou le cube, ou le quarré de quarré, ou le surfolide, ou le quarré de cube, &c. soit esgal a ce, qui se produist par l'addition, ou soustraction de deux ou plusieurs autres quantités, dont l'une soit connuë, & les autres soient composées de quelques moyennes proportionnelles entre l'vnité, & ce quarré, ou cube, ou quarré de quarré, &c. multipliées par d'autres connuës. Ce que j'escris en cete sorte.

$$x \propto b. \text{ ou}$$

$$x^2 \propto -a x + b b. \text{ ou}$$

$$x^3 \propto +a x^2 + b b x - c^3. \text{ ou}$$

$$x^4 \propto a x^3 - c^3 x + d^4. \text{ \&c.}$$

C'est a dire, x , que ie prens pour la quantité inconnuë, est esgalé $a b$, ou le quarré de x est esgal au quarré de b moins a multiplié par x . ou le cube de x est esgal à a multiplié par le quarré de x plus le quarré de b multiplié par x moins le cube de c . & ainsi des autres.

Et on peut tousiours reduire ainsi toutes les quantités inconnuës à vne seule, lorsque le Probleme se peut construire par des cercles & des lignes droites, ou aussy par des sections coniques, ou mesme par quelque autre ligne qui ne soit que d'un ou deux degrés plus composée. Mais ie ne m'aresté point a expliquer cecy plus en detail, a cause que ie vous osterois le plaisir de l'apprendre de vous mesme, & l'vtilité de cultiuer vostre esprit en vous y exerçant, qui est a mon auis la principale, qu'on puisse

tirer de cete science. Auffy que ie n y remarque rien de si difficile, que ceux qui seront vn peu versés en la Geometrie commune, & en l'Algebre, & qui prendront garde a tout ce qui est en ce traité, ne puissent trouver.


C'est pourquoy ie me contenteray icy de vous avertir, que pourvû qu'en demeslant ces Equations on ne manque point a se servir de toutes les diuisions, qui seront possibles, on aura infalliblement les plus simples termes, aufquels la question puisse estre reduite.

Quels
sont les
problem
mes plans

Et que si elle peut estre resolue par la Geometrie ordinaire, c'est a dire, en ne se servant que de lignes droites & circulaires tracées sur vne superficie plate, lorsque la derniere Equation aura esté entierement demeslée, il n'y restera tout au plus qu'un quarré inconnu, esgal a ce qui se produist de l'Addition, ou soustraction de sa racine multipliée par quelque quantité connue, & de quelque autre quantité auffy connue

Com-
ment ils
se resol-
uent.

Et lors cete racine, ou ligne inconnue se trouue aysement. Car si j'ay par exemple



$$x^2 \propto ax + bb$$

ie fais le triangle rectangle N L M, dont le costé L M est esgal à b racine quarrée de la quantité connue bb , & l'autre L N est $\frac{1}{2} a$, la moitié de l'autre quantité

connue, qui estoit multipliée par x que ie suppose estre la ligne inconnue. puis prolongeant M N la baze de ce triangle,

angle, iusques a O, en sorte qu'NO soit esgale a NL, la toute OM est x la ligne cherchée. Et elle s'exprime en cete sorte

$$x \propto \frac{1}{2} a + \sqrt{\frac{1}{4} a a + b b.}$$


Que si i'ay $y \propto - a y + b b$, & qu'y soit la quantité qu'il faut trouuer, ie fais le mesme triangle rectangle NLM, & de sa baze MN i'oste NP esgale a NL, & le reste PM est y la racine cherchée. De façon que i'ay $y \propto - \frac{1}{2} a + \sqrt{\frac{1}{4} a a + b b.}$ Et tout de mesme si i'a-

uois $x^2 \propto - a x + b^2$. PM seroit x . & i'aurois $x \propto \sqrt{-\frac{1}{2} a + \sqrt{\frac{1}{4} a a + b b.}}$ & ainsi des autres.

Enfin si i'ay

$$x^2 \propto a x - b b:$$

ie fais NL esgale à $\frac{1}{2} a$, & LM esgale à b côme deuãt, puis, au lieu de ioindre les points MN, ie tire MQR parallele a LN. & du centre N par L ayant descrit vn cercle qui la coupe aux points Q & R, la ligne cherchée x est MQ, oubiẽ MR, car en ce cas elle s'ex-



prime en deux façons, a sçauoir $x \propto \frac{1}{2} a + \sqrt{\frac{1}{4} a a - b b}$, & $x \propto \frac{1}{2} a - \sqrt{\frac{1}{4} a a - b b}$.

Et si le cercle, qui ayant son centre au point N, passe par le point L, ne coupe ny ne touche la ligne droite MQR, il n'y a aucune racine en l'Equation, de façon qu'on peut assurer que la construction du probleſme proposé est impossible.

Au

Au reste ces mesmes racines se peuuent trouuer par vne infinité d'autres moyens , & i'ay seulement veulu mettre ceux cy, comme fort simples, afin de faire voir qu'on peut construire tous les Problemes de la Geometrie ordinaire, sans faire autre chose que le peu qui est compris dans les quatre figures que i'ay expliquées. Ce que ie ne croy pas que les anciens ayent remarqué. car autrement ils n'eussent pas pris la peine d'en escrire tant de gros liures, ou le seul ordre de leurs propositions nous fait connoistre qu'ils n'ont point eu la vraye methode pour les trouuer toutes, mais qu'ils ont seulement ramassé celles qu'ils ont rencontrées.

[...]